



**CREATE & MOVE CAMP
2024 CREA DOOR DI ARTE,
MOVEMENTO, ZONIDO Y
TECNOLOGIA**



WWW.SOLODIPUEBLO.COM



SOLODIPUEBLO@GMAIL.COM

**UN BIAHA MAS MARISOL INVENTANDO
STORIA RIBA JAARREKENING 2019
POLITICO DI 27 AÑA TA KEDA HUNGA UN
POLITICA DINOSAURIO**



**22 MIEMBRO
DI EKIPO DI
BRANDWEER A
SALI PA MERCA PA
ASISTI TRAINING DEN
CUADRO DI ICAO**



**A INICIA E PROCESO DI
CERTIFICACION DI ORANJESTAD
COMO E PROXIMO “CAPITAL
CULINARIO” DEN CARIBE**



**CICLISTA A DAL ABAO
MEMEY CAMINDA Y A
RESULTA HERIDA Y
TABATA KEHA DI DOLOR**



CREATE & MOVE CAMP 2024 CREA DOOR DI ARTE, MOVEMENTO, ZONIDO Y TECNOLOGIA



Esaki ta di 5 aña consecutivo cu Fundacion Centro Famia Piedra Plat ta organisa campamento pa mucha durante vakantie grandi na Aruba. E aña aki aki atrobe ta bay tin 2 siman di campamento di diferente edad.

- Camp.1: July 22 – 26 Edad 9 - 12 aña
- Dialuna pa Diabierna di 7:30am - 1:30pm
- Camp.2: July 29 - August 2 Edad 5 – 8 aña
- Dialuna pa Diabierna di

7:30am - 1:30pm
Nos lo tin docentenan, Social worker, lidernan responsabel cu tin EHBO pa cuida y guia e muchanan. Mayoria di actividadnan lo ta den localnan cu airco. E campamento lo ta enfoca den Arte, Crafting, Pinta, Graphics Design (Canva software), Potret nan, Weganan y Deporte Recreativo. Ta inclui tur material, snack, juice, fruta y lunch.
Danki na CEDE Aruba cu ta yuda cubri parcialmente e gastonan cu asina nos por tuma muchanan di menos recurso tambe na e



campamentonan aki. centrofamiapp@gmail.com
Pa inscripcion whatsapp: 6995545 / 5691669 / Tel: 5855544 Adres: Piedra Plat # 50, E-mail:

Prome Minister Evelyn Wever-Croes:
Cu e prome siman “sold out”,

FUTURA INNOVATION CAMP 2024 A CUMINSA

Muchanan entre 8 y 11 aña ta siña kico tur tecnologia por brinda nan



Dialuna mainta, 15 di juli Prome Minister Evelyn Wever-Croes tawata presente pa e inicio di e prome siman di e Innovation Camp di FUTURA. E Innovation Camp di FUTURA ta tuma luga na Prinses Amalia Basischool y durante e camp aki

e muchanan ta siña di STEAM (Science, Technology, Engineering, Arts & Mathematics). Esakinan ta habilidadnan importante pa muchanan desaroya desde un edad jong ya cu e ta prepara nan pa trabounan den futuro. E prome siman di e camp ya ta sold out y e di dos ainda tin un par di cupo disponibel. E camp aki ta pa muchanan entre 8 y 11 aña y e siguiente camp ta di 22 pa 26 di juli.
Prome Minister ta indica cu desde cu Gabinete Wever-Croes a sinta, el a pone innovacion “front and central” den e maneho di su

governacion. A percura pa tur aña organisa un of mas Innovation Camp y asina e muchanan di un edad jong por siña kico tur tecnologia por brinda nan.
Prome Minister ta haci un yamada na mayornan di muchanan entre 8 y 11 aña pa trece nan yiu bin diverti, siña y explora nan creatividad na e FUTURA Innovation Camp. E camp ta ofrece nan un experiencia unico y lo educa y inspira e muchanan riba desaroyo sostenibel, diseño, responsabilidad personal, arte, matematica y mucho mas.
“Mi ta gradici FUTURA pa



organisa esaki un biaha mas y mi ta gradici mayornan pa inscribi nan yiunan poniendo nan confiansa den e camp aki. Hopi exito na e muchanan”, Prome Minister a expresa.
Pa registra: <https://www.futuralab.org/events/innovation-camp-2024>

Minister Geoffrey Wever:

A INICIA E PROCESO DI CERTIFICACION DI ORANJESTAD COMO E PROXIMO “CAPITAL CULINARIO” DEN CARIBE

Den un desaroyo nobo y emocionante, Minister Geoffrey Wever a inicia e proceso di certificacion di Oranjestad pa bira e proximo “Capital Culinario” den Caribe, un reconocimiento valioso di World Food Travel Association (WFTA) cu lo eleva e posicion di nos centro di ciudad. E paso significativo aki ta marca un paso mas di un strategia mas amplio cu tin como meta pa revitalisa Oranjestad.

E “destination certification” di WFTA, esta “Capital Culinario”, no ta solamente un titulo, sino tambe un testimonio di e herencia “culinario” rico y e diversidad di Oranjestad. E proceso lo pone nos cushina local ariba e mapa mundial, promove turismo di cuminda y mehora e experiencia di bishitante. 'E iniciativa aki ta alinea perfectamente cu nos esfuersonan continuo pa duna bida nobo na e curason di Oranjestad',

segun e mandatario ta comenta.

Strategia di Revitalisacion

E aplicacion pa e certificacion como “Capital Culinario” ta parti di un strategia holistico di Minister Geoffrey Wever pa revitalisa Oranjestad. Nos esfuersonan ta inclui eleva seguridad y garantiza standard halto di limpieza, mehorando e atraccion visual di e ciudad via proyectonan di embeyecemento, y hisa e accesibilidad di e area. Ta facilitando e regreso di varios departamento gubernamental na nos centro di ciudad pa stimula negoshinan local. Tambe ta pone enfoke riba atrae mas persona, creando asina un ambiente interesante cu por haci mas evento, y festivalnan pa menciona algun. Na final, tur esaki lo haci centro di nos ciudad comercialmente mas viabel.

Un Destinacion “Culinario”



“E reconocimiento aki lo pone Oranjestad ariba e “mapa culinario” mundial, asina atrae amantenan di cuminda for di tur parti di mundo. Tambe lo duna un plataforma pa nos chef, agricultornan, y productornan di cuminda local pa demonstra nan talento y producto.

E proceso di certificacion ta involvi un evaluacion completo di nos cena culinario, incluyendo e calidad di nos cuminda, e

diversidad di nos oferta culinario, y nos compromiso cu sostenibilidad y fuente alimenticio local. Nos ta confia cu Oranjestad lo refleha nos rikesa “culinario”.

E proceso di certificacion ta bai cuminsa, y nos ta ansioso pa sigui informa comunidad di e desaroyonan. 'Hunto, nos por logra haci Oranjestad un destinacion vibrante, y dinamico', segun Minister Geoffrey Wever.

YEMIRSON CONTRERAS TA EMPLEADO SUPERIOR DI ARUBA BANK

15 di juli 2024 - Yemirson Contreras ta empleado superior di Aruba Bank pa luna di juni 2024. Un empleado cu a demonstra dedicacion y iniciativa sobresaliente, logrando asina e reconocimiento aki.

E compromiso di Yemirson pa semper brinda un experiencia superior na e clientenan di Aruba Bank cu ta refleha e balornan di e banco. Su accionnan ta impacta e clientenan positivamente y ta pone

un standard halto pa e excelencia di servicio na cliente.

Den su tempo liber, Yemirson ta practica e deporte di futbol. Pa Yemirson esaki ta su pasion y ta super entusiasmo ora e ta riba veld. E resultado fisico como tambe mentalmente ta un plus punt cu ta dune e empuhe y amor pa futbol pa sigui practica su pasion.

Pabien Yemirson pa ta un empleado ehemplar cu ta forma parti di Aruba Bank.



Clasificados

SOLODIPUEBLO@GMAIL.COM
CEL. 585 9500

SOLO *Di Pueblo*

DIRECTORA DI BIBLIOTECA NACIONAL ARUBA SRA. ASTRID BRITTEN TA HACI ENTREGA DI RELATO ANUAL 2023 NA MINISTER DI ENSEÑANSA ENDY CROES

Recientemente, directora di Biblioteca Nacional Aruba (BNA) a haci entrega di Relato Anual 2023 na Minister di Enseñansa y Deporte Endy Croes. Aña 2023 tabata aña di cooperacion y innovacion. Sigur loke a resalta ta e renobacion di edificio principal di Biblioteca Nacional Aruba na Oranjestad.

Gobierno di Aruba en particular, Minister di Enseñansa y Deporte a pone

fondo disponibel pa por a realisa e proyecto di renobacion. Sistema central di airco a wordo reemplasa, trabou di mantencion y renobacion a inicia den e luna di februari di aña 2023 y a finalisa den luna di juni di aña 2023. Ademá di esaki, e edificio a haya colornan diferente y a haci uzo di un “color scheme” nobo y atractivo cu ta representa e bunita colornan di Aruba su baranca y piedranan.

Fuera di esaki, lansamento di e plataforma www.coleccion.aw riba dia 28 di september, ta un bunita proyecto di cooperacion y innovacion, digitalisando y aplicando inteligencia artificial cu uzo di “text recognition”. Minister Endy Croes ta gradici Gabinete Wever-Croes II, Ministerio di Enseñansa, team di BNA y tur stakeholder cu a contribui den e logro aki.



Parlamentario Marco Berlis (MEP): UN BIAHA MAS MARISOL INVENTANDO STORIA RIBA JAARREKENING 2019 POLITICO DI 27 AÑA TA KEDA HUNGA UN POLITICA DINOSAURIO

Recientemente nos por a scucha e desesperacion di Marisol Tromp, cu un biaha mas ta fabricando storianan negativo riba e maneho financiero responsabel di Minister Xiomara Maduro. Marisol Tromp intencionalmente ta ignora informacion ricibi di Contraloria General (ARA), cu tabata recientemente den Parlamento. Ta pesey e ta importante pa mi presenta e hechonan y realidad pa pueblo compronde e politica barata cu Marisol ta hungando.

Contraloria General (ARA) a splica Parlamento tardansa di su rapport riba jaarrekening 2019. ARA tabata presente 25 di april 2024 den Parlamento y a informa y splica pakico lo tarda pa traha riba e jaarrekening 2019, cual a wordo entrega na ARA pa minister Xiomara Maduro dia 23 di november 2023. Den e splicacion di ARA, nan a pone hopi enfasis riba nan motibonan y cu esakinan ta haci'e dificil pa nan por haci dos investigacion pareu. Mirando ARA a comparti tur

informacion den detaye cu Parlamento den un “Besloten Bijeenkomst,” ta fapranse cu awor Marisol Tromp ta sali grita cu tardansa di jaarrekening 2019 ta e falta di Minister Xiomara Maduro. Marisol atrobe hungando un Politica Dinosaurio?

CAft y IMF tin comprension pa e falta di profesionalnan den e departamento di finanzas. CAft den su diferente rapportnan a cubri e tema di atraso di jaarrekening. Pesey CAft a aproba un presupuesto pa e departamento di finanzas por contrata mas profesional cu lo por yuda procesa y traha e jaarrekening na tempo. Notabel ta cu den e ultimo rapport di CAft di 10 di juni 2024 riba e uitvoeringsrapportage (UR) di cuater kwartaal di 2023, ta elogia Minister su maneho financiero y cu gobierno a cumpli cu tur norma acorda. E unico critica tabata riba e tardansa di e UR, riba cual contesta di Minister Maduro a splica cu a contrata un profesional y cu esaki lo

bay yudanan completa rapportnan na tempo. Minister di Finanzas y su profesionalnan ta demostrando curashi y determinacion pa cumpli cabalmente y esaki ta keda refleha atraves di elogio, aprobacion di instancianan halto y upgrading di e rating di Aruba. Pakico anto tanto critica di Marisol contra minister Maduro? Politica Dinosaurio? Marisol a sostene e deficitnan historico, Megadebe, KB y CAft. Historia ta demonstra evidencia contundente cu Marisol como Presidente di Parlamento durante e gobierno di Gabinete Mike Eman, a vota “pro” deficitnan historico cu a causa e megadebe catastrofico di nos pais. Ademá Marisol su inaccion contra e maneho devastador aki a causa e ex minister di Finanzas di partido berde pa haya un KB! Dia cu Marisol mester a denuncia maneho catastrofico di su minister di Finanzas di partido berde, e la grita “pro” y nunca a presenta un mocion di desconfiansa contra dje pa kit'e di trabao! Awe cu presupuestonan ta entrega na tempo, ta cumpli cu



tur normanan, tin surplus pa paga e debe cu MARISOL a aproba, e kier sigui hunga un politica Dinosaurio? ARA probablemente lo keda cla cu su control di e jaarrekening 2019 na october 2024 y sigur lo sa di duna comentario como organo independiente riba e maneho di finanzas publico di gobierno di Aruba.

Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbisor di pueblo na bo ordo semper!

DI STUDIANTE PA INFLUENCIADOR: 22 GRADUADO DI IPA CLA PA INSPIRA Y EDUCA!



Recientemente, Instituto Pedagógico Arubano (IPA), a tene su ceremonia di graduacion di aña academico 2023-2024. Cu orguyo, IPA ta anuncia cu awor nos enseñansa ta conta cu un grupo di 22 maestro cu lo reenforza nos educacion na Aruba. E graduadonan tin diferente especialisacion, entre otro, Bachelor Nederlands als Vreemde Taal, Movecion y Salud, Pedagogisch Didactisch Getuigsschrift y Estudio pa maestro di Enseñansa Primario.

E studentenan cu a gradua den aña academico 2023-2024 ta: Bachelor Nederlands als Vreemde Taal: Gillianny Contreras, Janice Kock. Movecion y Salud: Lyan Cecilia, Christopher Croes, Robert Dijkhoff, Meloushka Dirksz, Myron

Ras, Shawn Tromp. Cursus Pedagogisch Didactisch Getuigsschrift: Diana Schotborg. Estudio pa maestro di Enseñansa Primario: Maryline Boekhoudt, Roxanne Haselhoef, Darlisa Alders, Merveline de Cuba, Gelaine Figaroa, Julaisa Tromp, Roycelynn Fingal, Darinella Geerman, Mariëlle Laclé, Maria Maldonado Pardo, Nashmine Noguera, Litsxya Ras, Charlayne Santos Diaz.

Ta importante pa menciona cu pa prome biaha IPA a otorga diploma di maestro di enseñansa primario cu e especialisacion di 4-12 aña banda di algun cu tin especialisacion 4-8 of 6-12 aña. Pues 2024 ta marca historia cu e cambio pa un especialisacion amplio haciendo e posibel pa e maestronan aki por traha den cualkier klas di enseñansa

primario.

Durante e graduacion, directora general drs. Marilyn Richardson a dirigi palabra na e publico presente, specialmente na e graduadonan. El a inicia su discurso bisando e graduadonan cu nan a logra di bira maestro di scol por medio di tremendo dedicacion y perseverancia.

PEN2030 ta para pa, entre otro, responsabilidad comun pa un enseñansa di calidad, ‘empowerment’, respet, mentalidad habri y curiosidad pa siña. Drs. Richardson a splica cu e graduadonan tin e base aki den nan formacion como maestro, pero awo ta keda na cada un di nan pa keda nutrie balornan aki p’asina carga e vision di PEN2030.

The influencer teacher tabata e tema di IPA su graduacion. E mensahe cu drs. Richardson a comparti cu e graduadonan ta cu maestro ta un profesion cu tin hopi influencia, un impacto profundo y duradero riba nos bida. Den un mundo domina pa social media stars y tur sorto di sensacion cu ta go viral, ta facil pa lubida e influencers original cu ta e maestronan! Segun drs. Richardson un maestro ta inspira curiosidad, fomenta creatividad, inculca amor pa siñamento pa bida largo cu ta bay mas leu cu e murayanan di klas, mas leu cu e bukinan cu e



ta uza, pasobra e ta forma y moldia caracter, crea balor y perspectiva. Cada biaha cu un maestro encurasha un mucha of un hoben pa dream big, nan ta sigui influencia otro.

Pues e maestro, ta causa e ripple effect aki! Drs. Richardson a termina su discurso bisando e graduadonan: “Be the influence the world n

Prome Minister Evelyn Wever-Croes:

Den number di Gobierno di Aruba

PROME MINISTER TA FELICITA SEÑORA MR. JURIMA A.R. BRYSON COMO E PROME OMBUDSMAN PA ARUBA

“Aruba ta conta riba bo como Defensor di Pueblo cu tanto nos a lucha p’e”

Durante conferencia di prensa di Gobierno di Aruba dialuna mainta, Prome Minister Evelyn Wever-Croes a felicita e prome Ombudsman / Defensor di Pueblo pa Aruba cu recientemente a keda nombra, señora mr. Jurima A.R. Bryson. Aruba tin su Ombudsman y esaki ta un bon noticia y ta un orguyo pa pueblo di Aruba.

Ombudsman ta un iniciativa di Parlamentario pa Partido MEP Zulay van Poppel

Prome Minister a elabora riba e trayecto cu a tuma luga pa scoge un Ombudsman/ Defensor di Pueblo pa Aruba. Un iniciativa cu a cuminsa cu e vision di ex Parlamentario pa Partido MEP Zulay van Poppel desde año 2004/2005. Hunto cu ex Parlamentarionan Kenneth Jong y Seferino ‘Sa’ Bislik, a presenta e prome concepto di ley na Parlamento pero esaki no a keda completa despues cu nan a sali di Parlamento. Y pa 8 año no a mishi mas cu e dossier di Ombudsman. Sinembargo, despues di su

entrada den Parlamento na 2009, Prome Minister, e tempo ey Parlamentario den oposicion, a tuma e dossier y na 2010 Fraccion di MEP a entrega un concepto di ley nobo basa riba esun di ex coleganan y miembronan di Parlamento pa Partido MEP.

Partido AVP no a mira necesidad pa un Ombudsman

Fraccion di MEP a lucha pa e ley pa Aruba tin su mesun Defensor di Pueblo sinembargo no por a keda cla of logra pa motibo di e varios biahnan cu tawata tin mester di sosten di e gobierno na mando e tempo ey no tawata mira e importancia of necesidad pa un Ombudsman. Sinembargo, despues cu gobierno a cambia y Partido MEP a drenta gobernacion, Gabinete Wever-Croes a pone como prioridad pa Aruba tambe haya su Ombudsman, su Defensor di Pueblo.

Parlamentario Edgard Vrolijk a trek e proyecto Prome Minister ta gradici especialmente Parlamentario Edgard

Vrolijk hunto cu henter Fraccion di MEP cu a kere desde principio den e necesidad y importancia pa Aruba tin su Defensor di Pueblo y a cuminsa traha riba e proyecto aki. Nan a presenta e proyecto di ley cu a keda aproba den Parlamento. E deseo tawata pa ancra esaki den nos constitucion. Pero pa haci un cambio den constitucion, mester di dos tercera parti di Parlamento y oposicion no a duna su aprobacion na esaki. “Mi ta kere cu den futuro ora cu tin un oposicion mas madura talves por purba ancra esaki un biaha mas den nos constitucion”.

Comision independiente Esaki, sinembargo, Prome Minister a enfatisa, no a kita Fraccion di MEP pa sigui traha riba e proyecto aki y asina nan a entrega un di dos ley pa asina introduci un Ombudsman na Aruba. Den e ley aki ta stipula cu e ‘werving en selectie’ pa e Ombudsman, esnan cu lo bay ta encarga pa entrevista e candidatonan y yega na un proposicion, lo ta den man di Corte di Husticia,



Controloria General y di Raad van Advies. “Esaki ta un comision totalmente independiente cu a entrega tres nomber na Parlamento sin secuencia ni preferencia y Parlamento den su mayoria a dicidi ken ta nos prome Ombudsman, nos Defensor di Pueblo, señora Jurima Bryson”.

Oficina nobo di Ombudsman

Prome Minister a indica cu probablemente den luna di october tur procedura lo finalisa, e huramentacion lo tuma luga y oficialmente, Aruba lo tin su prome Ombudsman. M i e n t r a s t a n t o , preparacionnan y organisacion pa e oficia di Ombudsman ta tumando

luga y e gastonan ta cay bou di presupuesto di Ministerio di Asuntonan General.

Kwartiermaker, señora Sahaira Kelly

Prome Minister ta gradici e kwartiermaker, señora Sahaira Kelly cu a yuda setup e organisacion pa Ombudsman di Aruba y ta haciendo un trabou tremendamente grandi pa esaki.

“Den number di Gobierno di Aruba, mi ta felicita señora Jurima Bryson y ta dese’e hopi exito. Aruba ta conta riba bo como Defensor di Pueblo cu tanto nos a lucha p’e”, Prome Minister a expresa

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Minister Rocco Tjon: 22 MIEMBRO DI EKIPO DI BRANDWEER A SALI PA MERCA PA ASISTI TRAINING DEN CUADRO DI ICAO



Diasabra merdia, Minister di Husticia y Asuntonan Social sr. Rocco Tjon tawata presente na Aeropuerto Internacional Reina Beatrix, pa asina hunto cu management team y Sindicato di Brandweer, como tambe Aruba Airport Authority, desea e ekipo di Brandweer un bon biahe y exito cu e volg op opleiding cu nan ta bay sigui na Merca.

E opleiding cu e grupo aki ta bay sigui, ta importante pa nan por wordo certifica,

y asina como pais y como organizacion por cumpli cu cierto rekisitonan stipula pa e organizacion internacional di aviacion civil esta ICAO. E plan a wordo presenta na entre otro sindicato di Brandweer pa di e forma ey wak con, na un manera structural, ta bay percura pa por cumpli cu tur e normanan aki.

Esaki ta encera inversionnan cu mester tuma luga riba e parti infrastructural, material



y ekiponan, pero tambe riba e parti profesional di esnan cu ta traha na Brandweer. E opleiding aki ta hopi importante, di cual lo bay bin mucho mas.

E punto ta, cu e plan ta encera cierto procesonan

cu mester wordo adapta, pa cual motibo e ta importante pa den bon comunicacion cu entre otro sindicato como tambe personal, percura pa adapta cierto procesonan pa asina por cumpli cu e normanan aki.

Por ultimo, e mandatario a desea e 22 coleganan cu ta bay asisti e training aki na Merca hopi exito, y mesora a desea e siguiente grupo di 24 colega exito, cu aki dos siman lo bay sigui e mesun training aki na Merca.

Trahando hunto pa pa inverti den e Cuerponan POLIS DI ARUBA Y KORSOU A TERMINA MASTER EHECUTIVO DEN LIDERASGO POLICAL



MACUARIMA, ARUBA: Recientemente a tuma lugar entregamento di Diploma na 10 agente Policial tanto di Cuerpo Policial Curacao como tambe Cuerpo Policial Aruba.

E 10 agentenan policial a participa sigui un estudio di Master Ehecutivo den liderazgo Policial. Esaki a inicia na 2019 na unda cu College van Korpschefs a bini hunto pa asina realisa

e estudio aki pa asina inverti den agentenan pa nan por desaroyanan mes como lider. E estudio aki tambe tabata tin un bon cooperacion cu Nederlandse Politie Academie na unda e docentenan Sr. Schreurs como tambe Sra. Van de Zee.

Altocomisario di Polis di Korsou Sr. Ellis como tambe altocomisario di Polis di Aruba Sr.

Arnhem tabata presente na e momento special aki pa duna honor na e graduadonan.

No tabata un estudio facil mirando varios factor dificil a tuma lugar na caminda pero cu determinacion y guia nan a surpasa tur. A entrega 5 agente policial di Aruba di fam Zara, Visser-Boekhoudt, Morel, Vrolijk y Leer y 5 agente policial di Korsou di fam Haile, Rodriguez, Haselhof, Zwerwer y Aljadidi nan respectivo di diploma.

Cu e diploma aki den man e agentenan policial por reforsa e Cuerpo den liderazgo profesional den departamentonan specialisa pa asina por sigui carga e Cuerpo. Despues di 5 aña Cuerpo Policial di Aruba y Korsou ta asina orguyoso cu trahando hunto por a oragnisa un estudio policial na Aruba y na Korsou pa nos mesun hendenan.

Altocomisario sr. Arnhem ta orguyoso di mira nos mesun personal sigui crece y desaroya. Trahando hunto so nos por logra cosnan grandi pa e Cuerpo.

Conhuntamente cu College van Korpschefs lo sigui desaroya den e agentenan pa nan por sigui avansa profesionalmente den nan carera policial pa asina por sigui crea líder y un equipo hoben y nobo pa e futuro di e Cuerpo.



HOH orguyoso di ta parti di aliansa importante aki

REUNION FRUCTIFERO EDUCADOR NAN DI HOSPITAL NAN DI CARIBE HULANDES

Recientemente a bini hunto e diferente educadornan di hospitalnan y centronan di cuidu di Caribe Hulandes pa asina celebra un logro grandi. Danki na e colaboracion cu Amstel Academie, Dutch Caribbean Hospital Alliance (DCHA) y Ministerio di Salud Publico, Bienestar y Deporte (VWS), a logra educa 1500 profesionalnan di cuidu den e region Caribe Hulandes. Ademá, e educadornan di hospital a formula diferente plan pa futuro pa asina duna e colaboracion un caracter sostenibel.

Desde 2021, e educadornan di diferente hospital y centronan medico na Aruba, Boneiro, Corsou, Sint-Eustatius, Sint-Maarten y Saba a uni forza. Danki na e colaboracion cu Amstel Academie, DCHA y subsidio di Ministerio di VWS, enseñansa avansa den cuidu a bira posibel. Esaki tabata fondo specialmente reserva pa educacion relaciona cu cuidu agudo, pa asina e islanan ta miho prepara den momento di crisis, manera un pandemia. Inventarisacionnan y investigacionnan a wordo haci y a tene hopi reunion cu tur partner pa por a logra esaki. E proyecto cu ta hiba e nomber Caribbean Health Academy (CARIBHA) a logra educa 1500 profesionalnan di cuidu den loke ta 'kinisch redeneren' y tambe nurse specialisa den emergencia,

IC-, CCU, nurse specialisa den diabetes, anestesia, etc.

Debido na e colaborashon exitoso entre e educadornan di hospital CAS-BES, a tuma e decision pa reuni físicamente pa evalua e cooperacion actual, celebra e logronan y papia tocante futuro colaboracionnan. Pa e reunion aki Fundashon Mariadal Boneiro (FM) a pone su hospital na disposicion y Horacio Oduber Hospital Aruba (HOH) tabata encarga cu organisacion di e dianan intensivo aki. Durante dos dia largo, Amstel Academie a tene sesionnan di evaluacion y inspiracion, despues di cual HOH a carga un sesion di strategia y vision solamente cu e educadornan pa traha riba e plannan pa futuro. Nos a evalua hunto e necesidadnan di educacion pa e añanan venidero pa asina hunto adkiri e diferente cursonan aki cu tin tambe como beneficio bahamento di gasto y claro mantene e conexcion entre e islanan. Ademá, e educadornan a duna presentacion riba desaroyonan di enseñansa riba nan isla cu por ta un inspiracion pa otro.

E evento a finalisa cu un celebracion, unda un parti grandi di esnan envolvi a tene un discurso. E presidente di e aliansa aki, profesor Lenie Denteneer di HOH Academy, a habri e celebracion, despues a



sigui presidente di DCHA, dokter Giovanni Frans di Fundashon Mariadal y tambe VWS pa medio di un mensahe di video a manda solamente palabra di aprecio pa e tremendo cooperacion aki. Amstel Academie a cera e evento y a refleha riba e progreso enorme cu nan a logra hunto den tur e añanan.

Finalmente, tur presente a brinda pa e tremendo cooperacion y pa tur loke tin planea pa logra hunto den futuro.


Clasificados



SOLODIPUEBLO@GMAIL.COM
CEL. 585 9500



Accidente cu hende herida dilanti Brazil Convenience Store



Diadomingo atardi a drenta informe di un accidente cu hende herida dilanti Brazil Convenience Store, mesora a dirigi tanto polis como ambulans na e sitio. Na yegada di e patruya a bin compronde cu aki ta trata

di un accidente chikito unda un auto a bay bira net ora un otro auto ta pas'e. Debi na e impacto un dama di edad pasahero e susto a pone bira malo. Na yegada di e ambulans nan a atende e victima na e sitio mes.

HOTLINE

744-0444

CAPT'E
Y MAND'E

Maravillas de la Fe

Bo ta sufri di un malesa nan cu no no por cura ? Manera artrosis, Alzheimer, demencia, depresión, diabetes osteoporosis, párkinson, insomnio, dolor di barica, weso migren dolo di barica, dolo di wesu, lomba, ect? Bo ta bebe remedi i bo no ta cura? Bo ta victima di bruheria? comunica na MARAVILLAS DE LA FE na 748 56 71

Bo no tin suerte? bo placa no ta jega? Bo ta cumpra number i bo no ta gana? Bo ta bai casino i perde tur bo placa? Invidia, mala suerte? comunika na 748 56 71

Bo tin problema di amor? Bo pareha ta gaña bo? Fracaso, soledad, angustia. comunika na

Comunica na 748 56 71



748 56 71



FORTALEZA PA FAMIA

Scirbi pa Pastor Marcel Balootje.

LEGOMAY TUR DISTRACCION, Y SIGI CONFIA DEN E PROMESA DI CRISTO HESUS



Tin hopi distraccion ta bay rond, hopi cos cu ta tuma lugar, pa hala hende su atencion for di e palabra di Dios, asina haci pica importante den bista y bida di hende, y esey ta plan di e diabel.

*Pasobra e palabra di Dios ta bisa nos cu cada ken cu cambia e berdad di Dios pa mentira lo ricibi personalmente castigo pa su error y especialmente si e no kier arepentí. (Romanonan 1:18-32).

*E enemigo ta campeon den smokescreen pa asina desvia hende su atencion pa maldad, pa pone

hende perde tempo den discucion, rabia y division den famia mientras cu den tur e cosnan ey no tin bendicion di Dios.

E palabra di Dios ta siña nos lo siguiente:

Pasobra nos mes tambe un tempotabata ignorante, desobediente, gaña esclavisa, na varios pasion y placer, bibando den malisia y envidia, odioso, y odiando, otro.

Ma ora e cariño di Dios nos Salvador, y Su Amor pa humanidad a parese. El a salba nos, no a base di obranan cu nos a haci den

husticia, ma segun su misericordia, pa medio di e labamento di regeneracion, y renobacion pa medio di Spirito Santo.

Kende E a basha ricamente riba nos, pa medio di Hesus Cristo nos Salvador.

Pa nos siendo hustifica pa Su gracia, por wordo haci herederonan segun speranza di bida eterno. (Tito :3-5)

*Esnan cu a desvia bay tras di palabra di hende lo haña sla y wordo ofendi, pero esnan cu confia den nos Señor Cristo Hesus lo tin forza renoba, pa sigi hiba e Evangelio puro y berdadero tur caminda, pasobra Evangelio ta cariño di Dios pa nos tur Su salvacion, pasobra evangelio di Dios tey pa trece salvacion igual pa nos tur.

Si un hende ta desea igualdad lage e buske den e Salvacion cu unicamente Cristo Hesus ta ofrece, pasobra ta para scirbi cu ken cu kere den e Yiu unigenito lo no bay perdi ma tin bida eterna.

Esun cu ta bin for di ariba, ta riba tur, esun cu ta di mundo, di mundo

e ta y ta papia di mundo. Esun cu ta bini for di cielo ta riba tur, (Juan 3:31)

E Tata stima e Yiu y a entrega tur cos den Su man. Esun cu kere den e Yiu tin bida eterno, ma esun cu no obedece e Yiu lo no mira bida, ma e furtia di Dios ta riba dje. (Juan 3:35-36).

Pesey como cu nos tin un nubia asina grandi di testigonan ta rondona nos, laga nos pone un banda tur strobacion, y e pica cu ta mara nos, asina facil, y cu perserverancia laga nos corre e careda cu ta poni nos dilanti, fihando nos wowo riba Hesus, e autor y cumplido di nos Fe.

Kende pa motibo di e goso poni Su dilanti, a soporta e sufrimento di crus, sin haci caso di berguensa y a sinta na man drechi di e trono di Dios.

Considera Esun cu a soporta hostilidad di pecadornan contra su mes, pa boso no cansa y perde animo. (Hebreonan 12:1-3).

Ma esun cu persevera te na fin, esey lo ta salba, Y e evangelio di e reino lo wordo predica den henter mundo, como un testimonio na tur nacion, y e ora ey e fin lo bini. (Mateo 24:13).

Tene cuidao pa boso curason no ta carga, pa causa di paranda y buracheria e e preocupacionnan di bida y e dia ey no bin diripiente riba boso manera un trampa. (Mateo 24:13).

No lubida locual Juan 10:10 ta bisa pasobra E enemigo ta loer.

Sinceramente, Pastor Marcel Balootje.



Obituario

Publica serka nos anuncio di fayecimento di bo ser kerí.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 AFI 400,00

**Pa mas informashon por tuma contacto cu oficina na
585-9500 of na 741-4554**

Accidente semi-frontal cu hende herida pariba di Mundo Nobo na Santa Cruz



Diadomingo anochi a drenta informe di un accidente cu hende herida pariba di Mundo Nobo na Santa Cruz, mesora a dirigi tanto polis como ambulans na e sitio. Na yegada

di e patruya a bin compronde cu aki ta trata di un accidente semi-frontal entre un Toyota Yaris y un Nissan March ora un auto a bay banda robes di caminda y a bay dal semi frontal.

Debi na e impacto un persona a resulta levemente herida. Na yegada di e ambulans nan a atende victima levemente herida na e sitio mes.

Ciclista a dal abao memey caminda y a resulta herida y tabata keha di dolor



Diadomingo mainta a drenta informe di un incidente dilanti Citgo

Paradera, mesora a dirigi tanto polis como ambulans na e sitio. Na yegada

di e patruya a bin compronde cu e ciclista su so coriendo cu velocidad a

dal abao y a dal su pecho y cabes y tabata keha di dolor.

Na yegada di e ambulans nan a atende e victima y a transporte pa hospital.

Pick-up a hala na man robes pa un ciclista net ora esaki a bay tambe na su man robes y a dal e ciclista



Diadomingo anochi a dren-
ta informe di un accidente
cu hende herida na Meiveld,
mesora a dirigi tanto polis

como ambulans na e sitio. Na yegada di e patruya ya ambulans tabata na e sitio atendiendo e victima.

Ta asina cu
e chauffeur di e pick-up a
nota e ciclista mas dilanti
y a hala na su man robes

pero e nat e momento ey e
ciclista tambe a hala mas
na su man robes y e pick-up
a dal e ciclista.

E personal di ambulans a atende e victima kende ta un ersona di edad y a transporte pa hospital.

Polis a bay Boegoeroei pa 2 ruman cu a bringa cu otro













Diadomingo mainta a
drenta informe di cu tin
un pelea entre 2 ruman na
Boegoeroei, mesora a dirigi
patruyanan na e sitio.

Na yegada di e patruya a bin compronde cu aki ta trata di 2 ruman hoben cu a bringa cu otro pa un desacuerdo pero ningun di

2 kier entrega keho contra otro. Maske ainda tin diferencia entre nan pero

nan a dicidi di stop. Polis a
bisanan si nan bolbe bringa
yamanan bek.

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
Sorteado 15 July 2024 Merdia			
			
Sorteado # 4327		Joker Letter	
9588		Proximo Jackpot	
9031		100.000,-	
5565			
			
FP		Sorteado #	
		Proximo Jackpot	
Sorteado # 4327		50.000,-	
6782			
			
X2			
			
Sorteado # 2383			
0906			
			
Sorteado # 4327			
5740			
Geminis			
			
Sorteado # 1201			
804			
			
X2			

NATURALESAS KARIBENSES DEN SPÒTLAIT



Kralendijk - E naturalesa bunita i úniko di e seis isla den Karibe Hulandes lo ta e aktor prinsipal den e pelíkula WOW! Caribbean Nature Uncovered, ku lo ser presentá den sine. E proyekto akí ta trese diferente partner hunto, inkluyendo Wereld Natuur Fonds (WWF-NL) i Dutch Caribbean Nature Alliance (DCNA). E meta ta pa inspirá i motivá e públiko pa protehá naturalesa, ku un enfoke riba e vulnerabilidad i e resiliensia di e ekosistemanan spesial akí. Hunto pa protehá naturalesa WWF-NL ta dediká pa mas naturalesa via protekshon i restourashon di naturalesa rònt mundo, tambe riba e islanan Karibense Hulandes. E islanan akí tin rònt di nan refnan di koral i palunan di mangel i especie marino ikónico manera bayena, dölfein, tribon i turtuga, kual ta naturalesa spesial. I e naturalesa akí ta kontribuí na kuminda i entrada di e habitantenan i na felisidat di bishitantenan ku e islanan ta risibí regular. WWF-NL ta traha riba e islanan hunto ku habitantenan i partnernan lokal pa protehá i restourá e naturalesa regional. E programa di Karibe Hulandes di WWF-NL ta prinsipalmente enfoká riba ekosistemanan na kosta i animal-

nan marino ikónico. Konsientisashon Aparte di protehá espesienan i áreanan, edukashon i konsientisashon tambe ta un parti importante den e programa. P'esei WWF-NL ta traha hunto ku partner lokal DCNA pa desaroyá proyekto di edukashon pa hóben riba e seis isla. E kolaborashon ku WOW! Caribbean Nature Uncovered ta un paso bunita den e mishon pa protekshon di naturalesa, kaminda naturalesa di e islanan Karibense ta risibí e atenshon ku e meresé. E islanan akí ta karga un biodiversidat riku ku hopi biaha no ta ser apresia òf hasta ignorá. Via un pelíkula úniko, e produktornan ke pa tur hende por disfrutá di naturalesa di e islanan i stimulá e kuido kompartí pa e naturalesa akí. Proyekto di multimedia WOW! Caribbean Nature Uncovered ta un proyekto ambisioso di multimedia inisiá pa e fundashon 360° of Innovation for di Aruba i MN Media Group for di Hulanda. WOW! ta bai mas leu ku solamente un pelíkula den sine. Aparte di e pelíkula, nan lo traha 6 dokumental mas. Tambe lo tin un podcast, un plataforma di edukashon i un database. Talento lokal riba e is-

lanan lo haña e oportunidad pa partisipá den e proyekto, kual ta un tremendo oportunidad pa e talentonan i e ta duna e proyekto e input lokal nesesario. Konekshon Arno Verhoeven, direktor di DCNA: "Pa muestra kon naturalesa ta un parti integral di bida riba e islanan, e pelíkula ta toka e kurason, emoshon i alma di hende. Ta e mishon di e produktornan i e partnernan pa muestra e bunitesa di e islanan Karibense i di asina krea un moveshon mundial pa konservá e ekosistema úniko akí." Bianca Peters, co-produtor di WOW!: "Tur dia e bunitesa i vulnerabilidad di naturalesa riba e islanan ta toka mi profundo. Ta manera mi ta deskubrí algu nobo tur bes den e biodiversidat riku ku e islanan tin pa ofresé. Ku WOW! nos ke muestra no solamente e naturalesa impaktante, pero tambe krea un konekshon emosional entre e islanan i e Reinu Hulandes komo un totalidat. Si nos ta mas sinsero, kuantu hende na Hulanda konosé e islanan i e naturalesa riku riba e islanan di bèrdat? Mi ta kere ku si nos por kompartí e amor pa nos naturalesa, nos por krea un konekshon potente riba hopi tema den nos sosie-



dat. Ta nos mishon pa ku e pelíkula, e dokumentalnan, e podcast, e plataforma di edukashon, e programa di talento i e database, nos por krea un apresio i responsabilidad kompartí pa nos medioambiente, pa generashonnan futuro tambe por ta impreshoná meskos ku nos. Mi ta sumamente agradecido ku nos ta traha hunto ku WWF-NL i DCNA riba e proyekto akí. Solamente hunto nos por hasi e diferencia."



	1			2				8
	5	2			3		1	9
8	6	9	5	1			3	
6		3	7	5	8	9	2	1
		7	2			5	4	
2	9	5	6		1	3		
9	3	6	1	8			7	
4	2			7	6	8		
5	7	8	4	9		1	6	3

4		1	2	9			7	5
2			3			8		
	7			8				6
			1		3		6	2
1		5				4		3
7	3		6		8			
6				2			3	
		7			1			4
8	9			6	5	1		7

Prome dia di training pa team di Equitacion na Aruba



training caminda nan por a practica den e pista caminda e competencia lo tuma lugar. Lo sigi dos dia mas di training, terminando diaranson pa despues e Mundial di Equitacion Felix Santiago Oliver por cuminsa cu mas di 200 participante. Dialuna atardi tur participante riba 12 anja tambe lo mester hasi un examen di theorie, pa asina nan



Dialuna mainta e seleccion di Equitacion di Aruba a drenta pista na Coliseo Marcelo Trujillo Panisse na Humacao, Puerto Rico. Esaki ta e prome dia di



HOTLINE

744-0444
CAPT'E Y MAND'E





















Polis a duna un chauffeur coriendo malo y bao influencia prohibicion pa stuur



Diadomingo atardi a drenta informe di cu tin un chauffeur coriendo malisimo bayendo pariba riba L.G. Smith blvd., mesora a dirigi un patruya pa para e vehiculo aki. Na altura di Linear Park polis a logra para e

chauffeur y a nota cu e no ta den condicion pa core auto y a dun'e un prohibicion pa stuur e proximo oranan. Polis a para e vehiculo den e park y a laga e chauffeur yama pa nan bin busk'e.

Polis y ambulans a bay pa un persona cu lo a "disloca" su lomba den parkeerplaats di Seaport Market Place



Diadomingo atardi a drenta informe di cu un persona lo a "disloca" su lomba y ta sinta den un pickup den

parkeerplaats di Seaport Market Place, mesora a dirigi tanto polis como ambulans na e sitio. Na yegada

di e patruya a papia cu e chauffeur y na yegada di e ambulans nan a atende e chauffeur na e sitio mes.

**OLIVE TREE'S
PRE-PAID
FUNERAL PLAN**

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

ORACION DI DIA



Un dia fructifero colma cu e bendicion y forsa di ariba y yena cu Spirito Santo

"Pasobra esun cu Dios a manda ta papia palabra di Dios; pasobra Dios ta dun'E Spirito Santo na abundancia." Huan 3, 34

Dios a manda Hesus pa siña cada un di nos con nos mester biba. Cu nos mester kere y obedece Dios. Kere

den Esun cu Dios a manda, acept'E y respet'E. Ta berdad cu nos ta biba riba e mundo aki pero nos no ta pertenece na e mundo aki. Nada di e mundo aki por duna nos e felicidad berdadero. Solo Dios por haci e hende feliz. P'esey laga nos haci nos maximo esfuerso pa agrada Dios y biba di acuerdo cu Su santo voluntad.

Ban pidi Dios pa prepara nos pa ricibi Esun cu E lo manda for di shelo pa nos mescos cu E la baha riba Hesus riba dia di Su bautismo cu ta e

Spirito Santo di Dios. E ta Esun cu ta yuda nos y siña nos loke ta e berdad pa nos keda pertenece na Su reino y nos por ta e testimonio cu ta confirma cu Dios semper ta e berdad. Door di esey nos ta haya un bida nobo hunto cu Hesus cu a resucita canando riba e caminda di bida eterno. E unico caminda, berdad y bida cu ta hiba nos na salvacion.

Oracion: Tata Celestial duna nos e gracia pa acepta, kere y respeta Bo Palabra. Laga Bo Spirito Santo por baha riba nos y duna nos e uncion cu semper Bo tin warda pa nos. Amen.